



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

52. Ad debitum imponendum &c. Decreta circa Jura Parochialia  
Functiones, & Præminentias contraversas, inter Parochos, &  
Confraternitates Laicorum, earumque Cappellanos & Officiales.

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)



1703.

de præcepto rectandum esse duxit, si Sanctissimo Domino Nostro placueri. Die 3. Decembris 1701.

*Et facta per me de prædictis Sanctissimo Domino Nostro relatione, Sanctitas Sua benignè annuit. Die 10. ejusdem mensis Decembris, & Anni 1701.*

G. Card. Carpineus.

B. Inghirami Sacrorum Rituum Congregationis Secretarius.

DECRETA.

III.

Circa Jura Parochialia, Functiones, & Præeminentias controversas inter Parochos, & Confraternitates Laicorum, earumque Cappellanos, & Officiales.

*Urbis, & Orbis.*

**A**D debitum imponendum finem controversiis, quæ inter Parochos, & Confraternitates Sæculares, earumque Cappellanos, & Officiales super Juribus Parochialibus, & functionibus Ecclesiasticis, nonnullisque Præeminentiis, seu prærogativis frequenter exoriri solent, in Sacrorum Rituum Congregatione ab Eminentissimo, & Reverendissimo Domino Cardinale Colloredo propositis infra scriptis Dubiis, videlicet.

I. An Confraternitates Laicorum legitime erectæ in Ecclesiis Parochialibus habeant dependentiam à Parocho in explendis functionibus Ecclesiasticis non Parochialibus?

II. An dictæ Confraternitates erectæ in Cappellis, vel Oratoriis, tum publicis, tum privatis, annexis Parochialibus Ecclesiis, & ab eis dependentibus habent dictam dependentiam à Parocho quoad dictas functiones?

III. An Confraternitates erectæ in aliis Ecclesiis publicis habeant quoad easdem functiones aliquam dependentiam à Parocho, intra cujus Parochiæ limites sitæ sunt Ecclesiæ?

IV. An Confraternitates erectæ in Oratoriis tum publicis, tum privatis, se junctis ad Ecclesiis Parochialibus, quoad dictas functiones Ecclesiasticas, habeant dictam dependentiam à Parocho?

V. An benedictiones, & distributiones Candelarum, Cinerum & Palmarum, sint de juribus mere Parochialibus?

VI. An benedictiones Mulierum post partum, Fontis Baptismalis, Ignis, Seminis, Ovorum, & similia, sint de juribus mere Parochialibus?

VII. An functiones omnes Hebdomadæ Sanctæ sint de juribus mere Parochialibus?

VIII. An celebratio Missæ solemnibus feriis quinta in Cœnâ domini sit de dictis juribus Parochialibus?

IX. An prima pulsatio Campanarum in Sabbato Sancto sit de dictis juribus Parochialibus?

X. An celebratio Missarum solemnium per annum, sive pro vivis, sive pro defunctis, sit de dictis juribus Parochialibus?

XI. An expositio Quadraginta Horarum & benedictio, quæ sit super Populo, sit de dictis juribus mere Parochialibus?

XII. An expositio, quæ sit cum Reliquiis, vel Sacris Imaginibus, & benedictio, quæ cum eis sit super Populo, sit de dictis juribus Parochialibus?

XIII. An functiones in præsentibus octo dubiis, videlicet à dubio quinto ad duodecimum, expressæ, peragi possint in Oratoriis privatis, contradicente Parocho?

XIV. An in dictis Oratoriis privatis Confraternitatum per Confratres statim horis recitari possint Horæ Canonice, cum cantu, vel sine, absque aliâ licentiâ Parochi?

XV. An in dictis Oratoriis privatis sit licita celebratio Missæ privatæ, assentiente Ordinario Locis, & contradicente Parocho?

XVI. An Cappellani Confraternitatum possint Populo denunciare Festivitates, & Vigilias occurrentes in hebdomadâ absque licentiâ Parochi?

XVII. An Parochus, invitis Confratribus, docere possit Doctrinam Christianam in prædictis Ecclesiis, & Oratoriis publicis, vel privatis, à Parochiali divisis, & separatis?

XVIII. An in sæpeditis Ecclesiis publicis Confraternitatum possint haberi publicæ Conciones, etiam per totum cursum Quadragesimæ, vel Adventus, cum licentiâ Ordinarii, & absque licentiâ Parochi?

XIX. An in eisdem Ecclesiis possit celebrari Missa, sive lecta sive cantata, ante Missam Parochialem, sive lectam, sive cantatam?

XX. An ad Parochum spectet facere Officium funebre super Cadaveribus sepeliendis in sæpeditis Ecclesiis, & Oratoriis publicis Confraternitatum?

XXI. An intra ambitum earundem Ecclesiarum fieri possint Processiones juxta cuiusque Confraternitatis Institutum, absque intervenitu, vel licentiâ Parochi?

XXII. An eadem Processiones fieri possint extra ambitum dictarum Ecclesiarum, absque licentiâ illorum Parochorum, per quorum territorium transeundum est?

XXIII. An in dictis Processionibus Cappellani Confraternitatum possint deferre stolam?

XXIV. An Episcopo accedenti ad Ecclesias publicas Confraternitatum, quæ non sint Regularium, neque proprium Rectorem Beneficiatum habeant, porrigendum sit aspersorium à Parocho, in cujus territorio sunt sitæ dictæ Ecclesiæ.

XXV. An earundem Ecclesiarum, & Confraternitatum Rectores, & Cappellani possint Parochus, cessante alio speciali, ac legitimo titulo, & ex solo Jure Parochialitatis compellere invitos ad assistendum functionibus Ecclesiæ Parochialis.

XXVI. An in sæpeditis Ecclesiis Confraternitatum, neque Parochialibus, neque Regularibus, retineri possit Sanctissimum Eucharistiæ Sacramentum, sine speciali indulto Sedis Apostolicæ?

XXVII. Præsuppositâ facultate retinendi, an possit infra annum publicè exponi, sine licentiâ Ordinarii?

XXVIII. An possit Parochus se ingerere in administratione oblationum, vel elemosynarum in sæpeditis Ecclesiis recollectarum, vel capsulæ pro illis recipiendis expositæ clavem retinere?

XXIX. An in Ecclesiâ Parochiali Confratres, vel eorum Cappellani immiscere se valeant, invito Parocho, in ejusdem Ecclesiæ functionibus, sive Parochialibus, sive non Parochialibus?

XXX. An Confraternitates, sive sint erectæ in Ecclesiâ Parochiali, sive extra illam, possint prohibito, & juxta uniuscujusque peculiaris statuta Congregationes suas facere, absque intervenitu, vel licentiâ Parochi.

XXXI. An possint propria bona administrare ac de illis disponere, absque ulla dependentiâ à Parocho?

XXXII. Quando Parochus eisdem Congregationibus intersit de mandato Ordinarii, & tamquam ejus delegatus, an possit suffragium decisivum ferre; & quatenus Affirmativè?

XXXIII. An etiam suffragium duplex?



1704.

*Sacra eadem Rituum Congregatio re mature discussa respondendum esse censuit.*

Ad primum : Affirmativè.  
 Ad Secundum : Affirmativè.  
 Ad Tertium : Negativè.  
 Ad Quartum : Negativè.  
 Ad Quintum : negativè.  
 Ad Sextum : Negativè ; sed benedictiones Mulierum , & Fontis Baptifimalis fieri debere à Parochis.  
 Ad Septimum : Negativè prout jacet.  
 Ad Octavum : Negativè , prout jacet ; sed spectare ad Parochos.  
 Ad Nonum : Negativè , prout jacet ; sed spectare ad Ecclesiam digniorem , ad formam Constitutionis Leonis X. la 22. §. 14.  
 Ad decimum : Negativè prout jacet ; sed licere Confratribus dumtaxat in festivitibus solemnioribus ejusdem Ecclesie , vel Oratorii , ut in Brundufina sub die prima Junii 1601.  
 Ad Undecimum : Negativè.  
 Ad Duodecimum : Negativè ; & quoad benedictiones cum Reliquiis , & Imaginibus , ferventur Decreta.  
 Ad Decimum tertium , satis provisum in superioribus.  
 Ad Decimum quartum : Affirmativè ; nisi aliter Ordinarius statuat ex rationabili causa.  
 Ad Decimum quintum : Affirmativè.  
 Ad Decimum sextum : Affirmativè.  
 Ad Decimum septimum : Negativè.  
 Ad Decimum octavum : Affirmativè.  
 Ad Decimum nonum : negativè ; nisi aliter Episcopus disponat.  
 Ad vigesimum : Affirmativè , quando tumultus est subjectus Parocho , intra cujus fines est Ecclesia , vel Oratorium.  
 Ab Vigefimum primum : Affirmativè.  
 Ad Vigefimum secundum : Negativè , nisi adesset licentia Episcopi.  
 Ad Vigefimum tertium : Negativè , extra propriam Ecclesiam.  
 Ad Vigefimum quartum Negativè.  
 Ad Vigefimum quintum : Negativè.  
 Ad Vigefimum sextum : Negativè.  
 Ad Vigefimum septimum : Negativè.  
 Ad Vigefimum octavum : Negativè.  
 Ad Vigefimum nonum : Negativè.  
 Ad Trigesimum : Affirmativè , dummodo non impediunt functiones , & Divina Officia.  
 Ad Trigesimum primum : Affirmativè.  
 Ad Trigesimum secundum : Negativè.  
 Ad Trigesimum tertium : Negativè.

Et ita salvis tamen conventionibus , & pactis in erectione Confraternitatum forsitan factis , concordis inter Partes initis , & à Sancta Sede approbatis , Indultis , Constitutionibus Synodalibus , ac Provincialibus , & consuetudinibus immemorabilibus , vel saltem centenariis , declaravit , ac decrevit , si Sanctissimo Domino Nostro videbitur. Die decimâ Decembris 1703.

*Et facta deinde per me Secretarium de predictis Decretis Sanctissimo Domino Nostro relatione , prævia eorumdem integra lectura , Sancta Sua laudavit , benigne approbavit , & publicari , & non obstantibus quibuscumque aliis in contrarium facientibus , servari mandavit Die 12. mensis Januarii 1704.*

G. Card. Carpineus.

B. Inghirami Sac. Rit. Congr. Secr.

1704.

## DECRETUM.

Quo flarium Magistros Cœremoniarum abstinere debere à munere imponendi , & auferendi Mitram , & Gremiale Celebranti in Cappella Pontificia , nisi Diaconus , & Subdiaconus fuerint impediti.

## ROMANA.

Cum inter Subdiaconum , & Præfectos Cœremoniarum Cappellæ Pontificiæ super Jure supplendi vices Diaconi impediti in explendo munere imponendi , & auferendi Mitram , & Gremiale Celebranti in Cappella Pontificia , excitata Controversia , & ea ad Sac. Rituum Congregationem à Sanctissimo D. N. Clemente Papa XI. remissa , ab Eño , & Rño D. Cardinale Francisco Barberino infrascripto Dubio proposito.

An impedito Diacono munus auferendi Mitram , & Gremiale Celebranti in Cappella Pontificia , & alia ejusdem Diaconi munera spectent ad Subdiaconum , vel potius ad Cœremoniarum Magistros in casu &c.

*Sac. eadem Rituum Congregatio sub die 26. Aprilis proxime præteriti censuerit respondendum : Dilata , & ad Eminentissimum Dominum Ponticem ad mentem , & mens fuerit , Quod Eminentissimus Ponticem curaret , ut Magistri Cœremoniarum abstinere in futurum ab imponendo , & auferendo Mitram , & Gremiale in casu &c. nisi impeditis Diacono , & Subdiacono.*

*Non acquiescente hujusmodi resolutioni Præfecti Cœremoniarum prædicti , pro nova audientia eidem Sac. Rituum Congregationi demissè supplicaverunt ; Et Sac. eadem Rituum Congregatio ad relationem ejusdem Eminentissimi , & Reverendissimi Domini Cardinalis Francisci Barberini , respondit : Nihil de nova audientia , & servetur Decretum sub die 26. Aprilis proxime præteriti. Die 7. Junii 1704.*

G. Card. Carpineus.

B. Inghirami Sac. Rit. Congr. Secr.

## DECRETUM.

Quoad benedictionem Crucium Altarium , & Processionum.

## URBIS.

Fratre Josepho Maria à Turribus Ord. Cappucinatorum supplicante demissè à Sac. Rituum Congreg. declarari :

1. An Cruces Altarium , seu Processionum , sint benedicendæ de præcepto ; &
2. An si non sint de præcepto , possit simplex Sacerdos eas benedicere private , & non solemniter ?

*Sac. eadem Rituum Congregatio censuit respondendum.*

Ad primum : Negativè.

Ad secundum : Affirmativè. Et ita declaravit. Die 12. Julij 1704.

G. Card. Carpineus.

B. Inghirami Sac. Rit. Congr. Secr.